

پولس رسول و لوقا و اوشان همراهان شیدی اورشليم

۲۱

۱ وختی اوشان جا سیوا بوبوستیم، جہ رائی دریا سفر بوکودیم، به جزیرہی «کاس» فارسہییم. فردای او روز، به جزیرہی «رودس» و جہ اویہ به «پاتارا» فارسہییم. ۲ اویہ ایتا کشتی پیدا بوکودیم کی شوئون دبوو فینیقیہ. پس سوار بوستیم و راه دکفتیم. ۳ قبرس امی چپ دس بیدہییم و جہ اویہ دوارستیم، سوریه سمت پیش بوشوییم و کشتی باز خالی کودن وستی، صور میان پیادہ بوستیم. ۴ بزین اویہ ایماندارانی پیدا بوکودیم و ہفت روز اوشان ورجہ بیسہییم. روح القدس اوشان آشکار کودہ بو کی پولس کی شہ اورشليم میانی چی بلایی اون سر آہ. هن وستی جہ پولس بخواستیدی و بوگفتیدی کی نوا شوئون اورشليم. ۵ وختی ہفت روز به آخر فارسہ، راه دکفتیم بیشیم. ایمانداران ہمہ تان خوشان زن و زاکان امرأ تا بیرون شہر، امر بدرقہ بوکودیدی و امان دریا کنار زانو بزہییم و دوعا بوکودیم. ۶ بعد خوداحافظی، کشتی سوار بوستیم و اوشانم واگردستیدی، بوشویدی به خانہ.

۷ امی سفر دریایی جہ بندر صور، پتولامائیس میان به آخر فارسہ. اویہ ایماندارانی بیدہییم و اوشان جا احوالپرسی بوکودیم و ایروز اوشان ورجہ بیسہییم. ۸ فردای او روز، راه دکفتیم، فارسہییم قیصریہ بوشوییم فیلیپس خانہ و اویہ بیسہییم. فیلیپس خدمت فارسنانن خبر خوش انجیل به مردوم بو و ایتا جہ

او هفت نفر بو کی رسولانَ کومک کودی. ۹ اون چھارتا دوخترَ عذب داشتی، کی خودا اون دوخترانَ عطایای نبوت و پیشگویی فدہ بو.

۱۰ چند روزی کی او یہ ایسہ بیم، ایتا نبی کی آگابوس نام داشتی جہ منطقہیٰ یھودیہ بمو او یہ. ۱۱ اون بمو امی ورجہ و پولس کمر بند اوسدہ، خودس و پای اون امرأ دوستہ و بوگفتہ: «روح القدس گہ: (مردی کی آ کمر بند اون شینہ، یھودیآن اون اورشلیم میان ہطوی دودیدی و بہ دس غیر یھودیآن ایسپردی.)»

۱۲ وختی آن بیشنوستیم، امان و مردومان او یہ پولس جا التماس بوکودیم کی بہ اورشلیم نشہ. ۱۳ ولی پولس واگردستہ بوگفتہ: «آن چی کاری ایسہ کی کونیدی؟ چہ شیمی گریہ امرأ می دیل اشکنیدی؟ من آمادہیم، نہ فقط زندان بشم بلکی اورشلیم میان، خوداوند عیسی نام وستی بیمیرم.» ۱۴ وختی بیدہیم کی قوبیل نوکونہ، د اون جا اصرار نوکودیم، بوگفتیم: «ھرچی کی ارادہی خوداوند ایسہ، انجام بہ.»

۱۵ چند روز دیگر، آمادہی سفر بوبوستیم، راہ دکفتیم بوشویم اورشلیم. ۱۶ چند نفر جہ ایمانداران قیصریہ امی امرأ بمویدی و امر بردیدی ایتا جہ قبرس قدیم ایمانداران خانہ کی مناسون نام داشتی، تا او یہ مہمان بییم.

پولس آمون بہ اورشلیم

۱۷ وختی بہ اورشلیم فارسہیم، او یہ ایمانداران خوشحالی امرأ، امر قوبیل بوکودیدی. ۱۸ فردای او روز، پولس امرأ بوشویم یعقوب ورجہ کی رھبر کلیسای

اورشلیم بو. مشایخم همه تان بموییدی اویہ. ۱۹ پولس اوشان سلام بوگفته و اوشان ره تعریف بوکوده کی خودا کومک امرأ غیریهودیآن ره چی کارانی انجام بدہ.

۲۰ وختی اوشان بیشنوستیدی، خودای شکر بوکودیدی و پولس بوگفتیدی: «برأ جان، هوطو کی دانی هزاران یهودی ایمان بأوردیدی و همه تان غیرت امرأ موسی شریعت قوبیل دأریدی. ۲۱ تی پشت سر گیدی، تومام یهودیانی کی غیریهودیآن میان زندگی کونیدی، تعلیم دیهی کی جہ موسی شریعت رو واگردانید و اوشان گی کی خوشان زاکان ختنه نوکونید و یهود قوم رسم بجا ناویرید. ۲۲ هسه چی وا بوکونیم؟ شک ناریم کی اوشان فهمیدی کی تو بمویی. ۲۳ پس هرچی کی تر گیم، وا انجام بدی. آیہ امی ورجہ چهارتا مردای ایسه ییدی کی نذر بوکودیدی. ۲۴ اوشان تی امرأ ببر و اوشان امرأ رسم تطهیر بجا بأور و اوشان خرج فدن تا بتانید خوشان سران بتراشید. اطویی همه فهمیدی کی او چیزانی کی تی پشت سر بیشنوستیدی حقیقت ناره، بلکی تونم شریعت قوبیل داری و اون ایطاعت کونی. ۲۵ ولی امان ایمانداران غیریهودی ره ایتا نامه میان حکم بوکودیم و بوگفتیم کی نخوایہ شومان پایبند آداب و رسوم قوم یهود ببید. فقط جہ اوشان بخوآستیم کی گوشت حیواناتی کی قربانی بٹان بیدی و مورده خون و گوشت حیواناتی کی خفہ بوستیدی نوخویرید و جہ زنا کودن هم دوری بوکونید.»

۲۶ پس فردای او روز، پولس او مرداکان خو امرأ برده و اوشان امرأ آداب و رسوم تطهیر بجا بأورده. بزین بوشو معبد میان تا تاریخ آخرین روز تطهیر، کی هر کدام جہ اوشان ره قربانی تقدیم به، اعلام بوکونه.